

Л Е Н И Н Т У Й В Ы Л Э Т

(По ленинскому пути)

ВКП(б)
Окружкомлэн
ВКП(б)
Кудымкарскэй
Райкомлэн да
Окрисполкомлэн
орган

Ликвидируйтны вредительскэй последствияез

1934 годэ ВКП(б) XVII с'езд вылын ёрт Сталин быдэс мян великэй родинась уджалисез одзын сувтатисе вопрос животноводство проблема разрешитэм йылис. Ёрт Сталин шуис „Животноводство дело долженэсь босьны асла, ныс киезэ быдэс партия, быдэс мян работникез партийнэйез и беспартийнэйез, имейтны в виду, што животноводство проблема являйтэ эні с'етшэмжэ первоочереднэй проблемаз, кытшэмэн вэли тэн же успехэн разрешитэм зерновэй проблема“.

Ёрт Сталинэн ета историческэй указаниэсь чужалэм период животноводство крепитэмэн являйтэ напряженнэй борьба периодэн. Коммунистическэй партия да советскэй правительствэ животноводстволэ уделайтэны тор'я вниманнэ да забота. Почти быдэс колхоз'езын организуйтэмэсь пода вэдитан фермаез. Фермаис уджалисез пода вэдитэмэн имейтэны ыджыт достижениэс. Кочевскэй районись Сепольскэй колхозын таво имейтэны племеннэй производителсьян 19 чань (вэлисэ случитэмэсь ета производителсьян 20 мятка). Юсьвинскэй районись Запольскэй колхоз быдтэ тавося чанез 38. Быдэс молоднякыс (чанвезыс) ета колхозын 60. Позьэ сотня пример мычавны, кызэ пода вэдитисе ударниккез добивайтэны животноводствосянь вылын доходд'ез.

Народлэн заклятэй врагез—троцкистско-бухаринскэй да буржуазно-националистическэй элемент'ез, кэднйя вермисэ шедны земельнэй орган'ез, быднэдэ старайтчисе разны социалистическэй животноводстволисе дело. Ния запутывайтисе племеннэй дело. Умышленнэй распространяйтисе заразнэй шогэт'ез. Колхознэй фермаезэ старайтчисе пуксытны ассинныс агент'езэс. Славнэй советскэй разведка разгромитисе, нагодлэн врагезлисэ основнэй позз'ез. Но не быдэс ешэ выкорчуйтэмэсь народлэн врагезыс, кэднйя быднэдэжэн маскируйтэны, а кытэн позьэ дак керэны ассинныс гнусвэй делоз. Враг дейсвуйтэ с'етчин, кытэн слабэй политическэй обидительность. Животноводство делось вредительскэй последствияез мян округын ликвидируйтэны эддэян жагэна.

Локтэ ар. Чожа подаэс колас сувтэны картаезэ, тэв кежэ. Подалэ колэ обеспечитны буртэвйэм,

медбы тэвнас немьмда эсчин подалэн продуктивность, медбы эз вэв падеж. Медбы мян страналэн вэли продуктаезэн изобилие.

Кызэжэ Окрзо руководитэ етэн важнейшэй делонас? Кроме канцелярскэй директиваезэ ета вопросы Окрзон ешэ абу-на керэм почти нем.

Медбы подаэс обеспечитны тэв кежэ сочнэй вердчанэн, колэ мян округлэ не йетшажык 14 тысяч тоннася заготовитны силос. Однако ета план тыртэм понда песьсьэм мян округын абу организуйтэм. Округ пасьта силосуйтэм токо ешэ 1539 тонн—8—10 процент. Гайнскэй район да горсоветись колхоз'ез эзна силосуйтэ ешэ этик центнерэн. Окрзоись работниккезлэн грубэй подсчет сьэрти тэв кежэ подалэ оз тырмы турун 26800 тона мьмда. Округ пасьта турун ытшкэм токо 96 процент. Валовэй сборын существуйтэ ыджыт разрыв. Особенно уна турун подалэ оз тырмы Кочевскэй да Юрлинскэй район'езын.

Подалэ вердчан заготовляйтэн вопросы колэ керны решительнэй перелом. Турун керан да силосуйтан план'ез долженэсь лонны тыртэмэсь быдэс. Ета понда емэсь быдэс возможностьез.

Таво гожумнас Кудымкарскэй районись мукэд колхоз'езисе фермаез олисэ поскотина вылын Верховскэй сельсоветын. Чиркова деревняэ подаэм грудитчыллэ 490 мьмда. Олисэ фермаезисе уджалисез 44 морт. Кудымкарскэй райзонись заведующайлэн заместитель ёрт Баталов естэн эз наладит не зоотехнической не ветеринарнэй облуживайтэм. Поскотина вылын кулисэ не этик мэс. Классовэй врагез вэли керэмэсь диверсионнэй акт. Заразнэй шогэтэсь кулэм порсыэс вэли л'едзэмэсь сия колодецэ, кэдаисе юктавлисэ подаэс. Ета делось вэли известнэй Кудымкарскэй районись райпрокуратура. Тэдисэ ета йылис и Окрзон, но некытшэм мераез эз примитэ.

Советскэй правительство 1938 год кежэ животноводство развивайтэм йылис план утверждайтисе указитисе, што эні животноводство областын этлаын пода поголовье быдэмкэт основнэй задачаэн являйтэ подалэн продуктивность л'ебтэм, стадолисе породность уллучшитэмэн, вердчан база укрепитэмэн да ветеринарнэй и зоотехнической облуживаннэ правильнэй сувтэтэмэн.

Колхознэй ыббез вывсынь юэррез

Косицкэй районись 34 колхоз коласисе эзим кэдзан план тыртисе 23 колхоз. Район пасьта эзим кэдзан план тыртэм 99,5 процент вылэ. Пушкин нима колхоз эзим кэдзан планэс тыртисе 152 процент вылэ. Колхоз „Путь Ильича“—136 процент вылэ, Чазевскэй сельсоветись Ленин нима колхоз—134 процент вылэ, колхоз „Югыт туй“—115 процент вылэ.

Район пасьта урожай дзимлялан план тыртэм 79,5 процент вылэ. Кончитисе вундыны колхоз „Краснэй октябрь“ да Варышанскэй колхоз. Панинскэй сельсоветись Первэй май нима колхоз 100 процент вылэ тыртисе эзим кэдзан план. Сюзэ вундисе 411 гектар вылисэ—95,5 процент.

Туркин

Кудымкарскэй район

пасьта кончитисе вундыны 38 колхоз.

Ньянпоставка государственнэй план 100 процент вылэ тыртисе Сервинскэй сельсоветись колхоз „Серп и молот“, Пешнигортскэй сельсоветись—Сэфройовскэй да Пешнигортскэй колхоз'ез. Белоевскэй сельсоветись—колхоз'ез „Трактор“ да „Крестьянин“.

Котов

Первэй местаез комбайнерез соревнованнэын занимайтэны:

Кудымкарскэй МТС пасьта—комбайнер Устюжанцев, кэда дзимлялис урожай 210 гектар вылисэ, Зубов—154 гектар, Кудымов А. С. да Нечаев Я. И.—150 гектарэн;

Юсьвинскэй МТС пасьта—комбайнер Истомин урожай дзимлялис 198 гектар

вылисэ, Туляев,—196 га да Никулин—156 гектар;

Москвинскэй МТС пасьта комбайнер Петров—180 гектар, Тупицин—155 гектар;

Юрлинскэй МТС пасьта—комбайнерка Братчикова—158 гектар, Демян К.—140 гектар;

Купросскэй МТС пасьта—комбайнер Якимов—133 гектар, Ошмарин—124 гектар.

Кочевскэй МТС пасьта—Маскалев А. да комбайнерка Ратогова—84 гектарэн.

Сю вартан уджэн совершенно умэля занимайтэ Кудымкарскэй МТС-исе директор Симкачев. Вартан машинаез уджын озэ исползуйтэ. 20 вартан машинаисе уджэ л'едзэмэсь токо ешэ 4 вартан машина да и ния быдса нагрукээн озэ исползуйтэ. М. Б.

Первэй бригада кыссьэ бэрын

Пешнигортскэй сельсоветись Боярскэй колхозисе 2 да 3 бригадаез эзим кэдзан плай тыртисе ешэ август 15 лунэ. Ена лун'езэ кык бригаданс кончайтэны вундыны, а первэй бригада

колхоз правленнэ сип одзын уджжезэн кольччэ бэрэ. Ета бригадалэн емэсь быдэс возможностьез, медбы не кольччыны. Но делось сыны, што бригаданс нарушайтэны дисциплина.

Август 28 да 29 лун'езэ быдэс бригада празднуйтисе религиознэй праздник.

Вартан машина часто жугавлэ, кузнец Носков Т. М. аслаэ обязанносттезэ относитчэ халатнэя. П. П.

Школаын первэй лун

Таво виль 1938—1939 велэтчан год бура панталис Кудымкарскэй национальнэй небыдса шэрэт школа. Школа велэтчан год кежэ оборудуйтэм бура. Школа пытисе омэн белитэмэсь. Челядь школаэ локтисе быдэнныс жизнерадостнайсэ, пасьтасьэмэсь сьэстэм паськэмэн.

Велэтны пойдисе челядьэс первейся лунас, кызэ и мэдик лун'езэ 9 часын асывнас. Челядь велэтчыны локтисе организованнэя. Учитик челядьэс, кэдна локтэны велэтчыны 1-эй классэ, гырисьжык челядь панталисе организованнэя да бура.

Первэйся-жэ лунас быдэс челядь понда вэли угощеннэ.

Сентябрь 1-эй лунэ школа пасьта посещаемость вэли 94 процент. Быдэс челядьыс сия лунэ велэтчисе 480 морт, токо эзэ вэла школаын кык морт.

Сентябрь 8 лунэ лосе окружнэй животноводческой совещаннэ. Местаезисе пода вэдитисез обязанэсь юавны окрзоись работниккезлисэ, мыля ния умэля занимайтэны вредительскэй последствияез ликвидируйтэмэн. Мыля ния энэдз эзэ мэдкодсэтэ ассинныс удж сидэ, кызэ требуйтэ партия да правительство.

Чожажык ликвидируйтны вредительскэй последствияез пода вэдитэмэн!

Посещаемость 100 процент вэли VI „Б“ да VII „А“ класс'езын. Самэй медучат процентисе V „А“ классын (86 проц.)

Медодзза классэ 8 годся челядь локтисе велэтчыны 34 морт. Сентябрь 2-эт лунэ посещаемость вэли 93,7 процент.

Занятияез барын быдэс класс'езын руководителлэз чулэтисе челядькэт собраннэез. Етна собраннэез вылын старшэй класс'езэ барысэ старостаезэ, а учэтжыккесэ познанокомитисе дежурнэйлэн обязанносттезэн.

Челядьэс быдэннысэ обеспечитисе тетраддезэн. Старшэй класс'езын учениккэ сетисе 10 тетраддэн, а первэй класс'езын 3 тетраддэн.

Быдэс етакэт емэсь и недостатоккез. Школаын не 100 процент вылэ охватитэм велэтчэмэн челядь, оз тырмэ велэтисез, кызэ коми кыв сьэрти V—VII класс'езын. Абуэсь совсем учебниккез, коми кыв сьэрти да роч кыв сьэрти. Етна учебниккезэ мэдис судзэтны ОкрОНО, но энэдз сё ешэ эзна бось этик учебник. Сидэ-жэ абуэсь велэтисез пеннэ, рисованнэ да черченнэ предмет'ез сьэрти, школаын абу пионерработник.

Е. ТУПИЦИНА

Буржыка готовитчыны

ВЛКСМ-лэн
XX годовщина
кежэ

Красноармеецлэн
письмо

Коми-Пермяцкэй округись комсомолецезлэ ыста пым красноармейскэй да комсомольскэй иривет. Поздравляйтэ тиянэс Ленинскэй комсомоллэн 20-эй годовщина кежэ лэсьэтчэмэн.

Ме желайта тиянэ, медбы ешэ вылэжык л'ебтисе уджлисэ производительность и локтит праздник кежэ вылын показателлэзэн.

Ме, кызэ красноармеец, обязуйтча ешэ буржыка крепитны мян странались бэвэй мощь, ешэ зоркэйжыка охраняйтны ассинным социалистическэй, счастливэй родина. Ме обязуйтча изучитны военнэй дело да политическэй подготовка отлично вылэ.

Ась тэдэны японскэй самурайез, што нылэ негар оз удайтчы тальны священнэй советскэй му. Миян Советскэй Союзись быдэс народ любэй минутаэ готов сувтны ассинным страна защищайтэм вылэ.

М. Д. Архипов

Рубеж сайын

Фашистскэй германиялэн война кежэ лэсьэтчэм

„Таймс“ газеталэн корреспондент телеграфируйтэ Берлинсаян, што Гитлер бэра присутствуйтэ германскэй армиялэн маневррез вылын, кэдна мунэны Германиян ойланыся да ойлаторся-рытланься сторонаын. Маневррез ход йылсь кэть нем ез висьтассы, но сё-жэ тэдэны, што странаын сёян продуктт'ез, гортея пода да транспортнэй средствоез армияэ нуэм унаэн содис. Особеннэя ыджытжык раз-

меррез ена реквизицияез примитисэ Австрияын. Корреспондент кыввез сьэрти медбар'я лунн'езэ Берлинын лонс ыджытжык беспокойство. Уна отир ыджыт тревогаэн взирайтэны одзлань кежэ. Гордын пыр мунэны быдкодъ басниез. Кыдз отмечайтэ корреспондент, общэй мненнэ Берлинын с'етшэм, што чожа, мымдакэ неделя бэрти, туйэ видчисыны Чехословакия вылэ Германиясаян нападеннэ.

Республиканскэй самолётт'езэн город Сеутаэс бомбардируйтэм


Агентство Экспаньлэн специальнэй корреспондент Танжерсаян телеграммаын висьтассэ республиканскэй самолётт'езлэн порт Сеутаэс (испанскэй Марокко) бомбардируйтэм йылсь. Кватъ испанскэй бомбардировщик чапкалисэ бомбаез порт Сеута вылэ да Сеутаись военнэй объект'ез вылэ. Атака мятежниккез пойда вэли неожиданнэй и ны коласын лонс паника. Бомбардируйтны

шедисэ военнэй объект'ез порт дачись. Повредитэм крепость Эсачо. Мятежниккезлэн зенитнэй батареяез яростнэя лыйлисэ республиканскэй авиацияэс, уна залпез керэмэн. Кык батарея вэлисэ уничтожитэмэсь республиканскэй бомбардировщиккез биэн. Артиллеристт'езнемеццеэ, кэдна руководитисэ батареяез действияэн, вэлисэ вийэмэсь.

Манчжурскэй солдатт'езлэн восстаннэ

„Тайиньэбао“ газета со-общайтэ, што Хэбай провинцияись восточнэй часты-ын Чанли да Луаньчжоу

городд'езын 7 тысяча манчжурскэй солдатт'ез сувтисэ паныт японеццеэ. „Известия“ газетась



Китайскэй армиясь боецез обороняйтэны ныэн занятэй позицияез (Ойвывсэ фронт)
Фото (Союзфото) „Прессклише“

Снабжайтэны асьнысэ да знакомэйезэс

Кочевскэй раймагись заведующэй Хотяшев С. А. да раймагись в у з а с и с ь Минин нарушайтэны партиались да правительстволись торговля йылсь постановленнэ. Например, август 25-эт лунэ петкэтлисэ товар, но вузалисэ токо 10 морт мымдалэ. Вузасись сыбарын и пондис шуны, што „товар с'есся абу“. Кэр народ мунис лавкаись, то с'ек вузасись Минин прилавок увтись пондис кыскавны спокойнэя товарсэ да вузавны аслас родственникезлэ. Райпотребсоюз Миникэт оз принимайт не-кытшэм мераез, а е шэ

лыддэ бур работникэн сийэн, што сйя нийэ оз янсэт немэн. **Денисов**

Сидз жэ уджалэ Егвинскэй сельпо (Кудымкарскэй район) ларекись вузасись Шипицин. Товар вузалэ прилавок увтись с'етшэммеэлэ, кэдна сийэ юкталэны винаэн.

Кэр локтасэ получатны товар отделеннэезсаян да ваясэ простэй посуда либо кытшэм заготовка, то сйя кыкэт обрацайтэ сквернэй кыввезэн. Сидз видчисясэ товар рытэдз и мунасэ бэр товартэг. Ашынас локтасэ товарлэ, но бэра-жэ мунэны бэр товартэг. **Син**

Используйтны быдсэн резервез

Горсоветись „Ленин туй вылэт“ нима колхоз 5 годэн (1933—1938 годэн) урожай получитисэ гектар вылсь с'етшэма: рудзэг—7,71 центнер, яровэй шогдл—8,71 центнер, зар,—9,27 центнер да ид—11,6 центнер. Мукэд годд'езын урожайность вэли вылын, а мукэд годд'езас и йетшажык. Мед вылын урожай сетлис ид, сидз кыз сйя кэдзлисэ буржык местаез вылэ. Колхознэй хозяйство сетэ ыджыт возможность, медбы вылэжык л'ебтыны ыббез вылын урожайность. Но Юринскэй колхоз быдэс резервезсэ, кэдня влияйтэны урожай л'ебтэмлэ эз используйт. Ешэ не быдсэн керэм травопольнэй севооборот. Сортозэй сюзэ шочыныка сорасьялныни простэй сюэт.

Ыббез вылэ колхоз недостаточнэя петкэтливлэ назэм. Назэм петкэтлисэ унажыксэ эгласа пода картаез вылсь. А навозохранилищез абуэсь, а колхозниккез картаез вылын назэм кольччэ быдсэн. Мед удобнэй кадэ кэдэан да сенокос коста колхоз назэм эз кыскав, а быдса пятидневка празнуйтисэ религиознэй праздниккез. Гожумся назэм кыскалэмся поээ

организуйтны и тэвся кыскалэм, но ета нылэн тожэ оз керсын. Назэм кыскалэм бэрын му оз гэрлэ сразу, а сыбарын кучаэзас назэм косьмас.

Ордчэн колхознэй ыббезкэт колхоз имейтэ торфянайнюр. Торф кэть кэр поээ кыскавны не токо пар увтэ, но и яровэй культураез увтэ. Торфэн назиметэман яровэй шогдлисэ л'ебтэ урожайность гектар вылсь 3 центнерэн унажык. Колхозлэн почваез кыслэйэсь. Нийэ колэ известкуйтны.

Опытнэй станцияын установитэм, што известкованнэ сетэ прибавка урожайностиэ.

Колхозлэн ем известкованнэ вылэ прекраснэй материал—рыхлэй мергель, кэдий колэ кыскавны ыббез вылэ. Кэть и емэсь быдэс преимущезоэс, но колхоз сё-жэ ыббезсэ ассис оз известкуйт.

Ыббез колхозлэн буга ёгсэлемась. Причина сйя, што паррез кызд первуйись гэрликэ сидз и мэдпэвгэрликэ эз культивируйтчэ.

Емэсь с'етшэм **случайез**, што колхозлэн правленнэ оз любит комбайн, колхоз убирайтэ унажыксэ самосброскаэн. Етасянь сюзэ дзимлялэм да вартэм кольччэ

бэрэ, а сюзэ сйя кадэ киссьэ. Горсовет недостаточнэя занимайтчэ колхоз организационнэй крепитэмэн. Повседневнэй руководство колхозын абу. Но ед ем естэн опытноэй станция, кытэн емэсь опытноэй квалицированнэй агрономмез, кэр ния долженэсь нилэ отсавны да колхозсэ керны образцовэйэн. Но дело не с'етшэм, колхознэй правленнэ ас одзас агрономэс оз лыдды авторитетэн, а горсовет агрономмезлэ оз отсав.

Етна-жэ лунн'езэ колэ ускоритны землеустройствоись внутри хозяйственность да колхозын керны правильнэй травопольнэй севооборот. Быдэс вынпуктыны сы вылэ, медбы кыскавны сюзэ дзимлялэм бэрын назэм, торф, мергель да минеральнэй удобреннэез. Бурсыэтны му обработка трактор гэрэмэн. Медбы уничтожитны ёг, то быд год колэ керны луценнэ да пар культивация первэй да мэдпэв гэрликэ.

Урожай л'ебтыны быдэс резервез долженэсь лоны быдсэн используйтэмэсь. Токо ена условияез тыртэм бэрын колхоз пондас получайтны устойчивэй да вылын урожай.

Агроном Медведев.

Наладитны пода дынын уход

Колхознэй строй творецлэн ёрт Сталинлэн—колхоз'езэс развивайтэмын неустаннэй забота обеспечитисэ невиданнэй успехез. 90 проц. вылэ тавося год кежэ коми округ пасьта колхоз'ез имейтэны животноводческэй фермаез. Бур уджалисэ колхоз'езын добитчисэ бур производительностьэдэ.

Юсьвинскэй районись Асановскэй колхозын буга сувтэтэм уход поресез дынын. Свинарка Екатерина Исакова кужэ дозирайтны поресезэс. Ешэ быдэс народ узьэ, а сйя важын аслас поресез дынын. Поресез не умэля вердэмэсь. Ёрт Исакова предана колхознэй делолэ.

Но ета ешэ не быдэс. Вредительстволэн послед-

ствияез ликвидируйтчэны ешэ слабэя. Мукэд колхоз'езын фермаез имейтэны места, пода шогалэмлэ да пода кулэмлэ. Босьтам примерэн Егвинскэй сельсоветись Самчиковскэй колхоз. С'етчин совсем йетша колхозлэн вэвез—ния кули сэ. Кыдз кынымкэ вэлэн мунисэ уджэ, то с'есся кутны абу. Особенно ета пантасэ Самчиковскэй бригадаын.

Бормотовскэй колхозись (Верховскэй сельсовет) председател Бормотов Никита порэс вэдитан ферма вайэти с'етчэдз, што ферма кольччис надзортэг. Свинаркасэ председател чапкис. Эни поресез сидз и ветлэтэны быдэс умэльчисэ. Ферма дынын ва абу, сидз и ютэг да сёйтэг

поресез ветлэтэны.

Фермаын емэсь кык вэв. Етна вэвезсэ председател используйтэ мэдик уджын.

Етшэм положеннэ одзлань нетерпитана. Особеннэй вниманнэ колэ уделитны вэв поголовнэй содэмын, содтыны упитанность подалэ, кэдийэн мийэ и л'ебтам подались продуктивность.

Медбы успешнэя тыртны животноводство развивайтэмлисэ государственнэй план, земельнэй организ'ез ыджыт вын долженэсь пуктыны животноводствоись ошибаез испаритэмэ. Етэн того мийэ локтам социалистическэй животноводство мощнэй под'емэдз.

Бражкина Кривощёкова

Буржыка уджавны фермаын

Самковскэй сельсоветись „Том большевик“ нима колхозын ем мэс вэдитан ферма, кытэн заведующэйэн уджалэ Таскаев А. А., но государстволэ быдсэн йав эзэ вермэ сетны, а йав мукэд пырсяе не этик литрэн сёйэны понн'ез. Сидз-жэ асьнысэ мэс висьтись Головина Ф. А. да фермер, кызд соя вона мукэдсэ вевтэны. Мылы бытте понь да июль месяцедзэ 6 мэс сетисэ токо 6 литр, а эни 17 литр, етэ некыз эз вермы лоны, а кэр колхозниккез пондасэ мый шуны, то Головина кызд колэ, сидз и нийэ видас. **Т. У. В.**

Колхозись председател ыббез вылэ оз вовлы

Муна уборка. Быдэс колхозниккез да колхозницаез уджалэны ыббез вылын. Колхозись руководителезсаян ковсэ всемернэй отсэт колхозниккезлэ. Колэ развертывайтны колхознэй ыббез вылын социалистическэй соревнованнэ да ударничество.

Совсем мэдвэдж керэ Кочевскэй районись „Полянка“ нима колхозись председател Чеботков И. В. Сйя совсем йетша овлэ колхозниккез коласын, унажыксэ олэ гортас да охотитчэ потка пэлэс вылэ—вэтлисэ таррез сьэрын да сидз одзлань.

Чеботков вылэ видзэтэман сидз-жэ керэ и бригадир Юркин Н. Ф., кэда сидз жэ унажыксэ видзэтэ охота вылэ, а не урожай дзимлялан удж вылэ. Ыб вылын колхозниккезлисэ удж сразу оза принимайтэ, не этик лунэн уджыс овлэ непримитэмэн. Мукэд колхозниккез оза тэдэ кыным уджлун шедтисэ 1938 годэ. Уджлунн'ез гижлан книжкаез колхозниккез кызын езна вэвлэ.

Урожай дзимлялан удж муна жагэна. Быдэс вундэм сюзэ сулалэ суслонн'езын. Сюзэ травитэны подалэ. Охрана сувтэтэм умэля.

Колхозник

Отв редакторлэн зам. Я. И. Нестеров